

Mad Nasir TNC Akademik baharu UPM

Serdang: Prof Datuk Dr Mad Nasir Shamsudin dilantik sebagai Timbalan Naib Canselor (Akademik dan Antarabangsa) baharu, Universiti Putra Malaysia (UPM).

Pelantikan selama tiga tahun berkuat kuasa 1 Disember 2013 hingga 30 November 2016 itu menggantikan Prof Datin Paduka Dr Aini Ideris yang tamat tempoh pelantikan pada 30 November lalu.

Berkelulusan Ijazah Doktor Falsafah (PhD) dari Mississippi State University, Amerika Syarikat (AS), Mad Nasir bertanggungjawab meningkatkan pembangunan akademik termasuk menambah baik kualiti pengajaran dan pembelajaran serta bertanggungjawab ke atas perkembangan dan promosi hal ehwal antarabangsa universiti.

Pakar ekonomi

Memulakan karier di UPM sejak 28 tahun lalu sebagai pensyarah pada 1986, beliau pernah menjadi Dekan kepada



Prof Mad Nasir

dua fakulti iaitu Fakulti Pengajian Alam Sekitar (2004-2009) dan Fakulti Pertanian (2009-2012).

Beliau juga berpengalaman sebagai penyelidik dan perunding Unit Perancang Ekonomi (EPU), Jabatan Perdana Menteri pada 1994-1995 sehingga berjaya membangunkan Model Analisis Sektor Pertanian Malaysia.

Pada peringkat antarabangsa, Mad Nasir adalah ahli Pacific Food System Outlook Forecasting Panel di bawah Pacific Economic Cooperation Council (PECC).